


TEZAU LITURGIC

4 APRILIE

SLUJBA SF.CUVIOȘI-MUCENICI VENIAMIN KONONOV ȘI NICHIFOR KUCIN DE LA SOLOVEȚ



**MINEIUL PE APRILIE
MOSCOVA**



Ме́сяца а́преля в 4-й де́нь Преподо́бномуче́ников Ве́ниамі́на архи́мандрита́ и Ники́фора иеромона́ха Соловѣ́цких

На вели́цей ве́черни

На Го́споди, воззва́х: стихи́ры, глас 5:

Прииді́те, христолю́бвиі лю́дие,/ восхва́лим
ревни́телей и защи́тителей до́блественных
обители́ Соловѣ́цкия,/ Ве́ниамі́на, нача́льника
ея́ послѣ́дняго/ вкупе́ и Ники́фора, егѡ́
сподви́жника,/ тии́ бо ве́лию скорбь́ разорения́
обители́ прия́ша,/ во времена́ же гонений́ на
Церковь́ Русскую́/ сонму́ новомуче́ников
Соловѣ́цких сопричтени́ бы́ша./ Ны́не же
предсто́ят Престо́лу Го́сподню/ и мо́лятся о
спасении́ душ на́ших.

Крѣ́ст страда́ний дан бы́сть ти свѣ́ше,
богоизбра́нне Ве́ниамі́не,/ еже́ оби́тель
Соловѣ́цкую от беззако́ний и бу́йства безбо́жных
храни́ти,/ ты́ же, преподо́бне, заступа́я
ввѣ́ренную ти свѣ́тыню,/ тверд и непрекло́нен
явля́ся еси́/ и, вся́чески утесня́емь и изгоня́емь
от врагъ́ быв,/ все упова́ние на Го́спода возлага́л
еси́,/ оби́тели Соловѣ́цкия послѣ́дний
нача́льниче/ и славный́ страстоте́рпче.

Я́коже пла́мень зло́бный попали́ во дни
гонéний/ сла́вную оби́тель Солове́цкую,/ та́ко и
Вениа́мин многострада́льный,/ строи́тель сея́
оби́тели прехва́льный,/ вку́пе с
преподобно́мучеником Ники́фором,/ ду́ши
скорбьми́ тяжкими очи́стивше,/ паля́щим огнём
смерть прия́ша./ Темже, венцы́ му́ченические от
Господа́ приемше,/ ны́не Престо́лу Божи́ю во
Ца́рствии Небесне́м предстоя́т/ и моля́тся о
душа́х наших.

Мно́гия ско́рби и страда́ния на земли́
претерпе́вше/ и крест му́ченический со
смирéнием и любóвию в жити́и понéсше,/ ны́не
на Небéси ра́дости неизреченны́я
наслажда́етесь,/ преподобно́мученицы
Вениа́мине и Ники́форе,/ и в со́нме святы́х
Го́спода́ воспева́ете./ Того́ мо́лите и на́м
попри́ще земно́е досто́йно соверши́ти/ и
Ца́рствие Божие насле́довати.

Сла́ва, глас 8:

Во изгна́нии сущé,/ мо́литву непреста́нную
слеза́ми раство́ряли есте́/ о оби́тели Солове́цтей,
от безбо́жных разоря́емей,/ святи́и Вениа́мине и
Ники́форе,/ в нейже мно́гия подвиги и труды́
понесли́ есте́./ Во дни же Свята́го Воскресе́ния,/
смерть му́ченическую за Христа́ при́ймше,/ Того́
победоно́сне просла́вили есте́./ Ны́не же,
Престо́лу Божи́ю предстоя́ще,/ прославля́ете

Отца и Сына и Святаго Духа,/ Троицу
Единосущную и Нераздельную.

И ны́не, Богоро́дичен: Царь Небе́сный:

Таже вход. Прокі́мен дне. Чте́ния
мученическая.

На литіи стихі́ра, глас 1:

Огнемъ веще́ственнымъ сме́рть прие́мше,/
пла́мене ге́енскаго избе́гли есте́,/ богоблаже́ннии
Вениа́мине и Ники́форе,/ ли́ку же неисче́тному
до́блественныхъ му́чениковъ приобщивше́ся/ и
собо́ру Солове́цкихъ ново́мучениковъ основа́ние
тве́рдо положи́вше,/ с те́ми ны́не песнь
побе́дную на Небеси́ воспева́ете,/ сего́ ради к
вамъ уми́льно вопиемъ:/ моли́те Го́спода о
спаса́нии душъ на́шихъ.

Сла́ва, глас 4:

Во оби́тели преподо́бныхъ Зосі́мы, Савва́тия и
Ге́рманна,/ ихже́ труды́ и моли́твами/ цвѣ́томъ
благоче́стія отокъ пу́стынный Солове́цкий
процвѣте́,/ по́двигомъ ино́ческимъ до́бре
подвиза́стеся,/ сла́внии Вениа́мине и
Ники́форе,/ и, досто́йно зва́нію ходи́вше,/
преподо́бия же о́бразъ чи́сте сохра́нивши,/ па́че
по́двигъ страстоте́рпчества во вре́мена гоне́ний
му́жественне подъя́ли есте́/ и му́ченичества
красото́ю све́тло просия́ли есте́./ Сего́ ра́ди,

преподобномученицы наре́кшеся/ и от Христа́
Бо́га увенча́вшеся,/ о оби́тели ва́шей То́го
приле́жно моли́те/ и нам проси́те ми́ра и ве́лия
ми́лости.

И ны́не, Богоро́дичен: При́зри на моле́ние:

На стихо́вне стихи́ры, глас 1.

Подо́бен: Небе́сных чино́в:

По днех поста́ прише́дшу Пра́зднику
Вели́кому и Све́тлому,/ наста́ вам,
преподобномученицы, путь кресто́ный
соверши́вшим,/ вре́мя к До́му О́тчу
преселе́ния,/ темже, сме́ртию мучи́тельною
предочи́стившеся,/ с весе́лием во след Христу́
воскресе́шу на Не́бо вознесо́стеся./ Сия
последняя́ земна́я ва́ша па́сха/ в Небе́сную и
Ве́чную вам преложи́ся.

Стих: Проидо́хом сквозе́ огнь и во́ду,/ и извёл
еси́ ны в поко́й.

Воскресе́ние Христо́во вам светло
сла́вящим,/ Сам Госпо́дь, Воскресы́й из
ме́ртвых,/ страда́ния коне́чная ва́ша
предваря́я,/ посреде́ вас невидимо пребы́ть/ и,
си́лу к терпе́нию му́ки о́гненныя подава́я,/ от
юдо́ли сме́ртныя вас возведе́/ в Вы́шняя
Небесная́ селения́.

Стих: Свѣтъ возсія́ праведнику, / и правымъ
сѣрдцемъ весѣліе.

Вѣрою нетщѣтною во Христа́ окриля́еми, / все
упова́ніе на Него́ возло́жили есте, /
преподобномученицы Вениамине и Никифоре, /
и сѣрдца́ ваша, радости пасхальныя исполнена, /
на по́двигъ мученический угото́вали есте. /
Темже, Царю́ Христу́ воскресшу, / ду́шы своя́,
радующеся, преда́ли есте.

Сла́ва, гласъ 6:

Распе́ншемуся за ны́ Христу́ Бо́гу, / смерть
попра́вшему и адъ плені́вшему, / сораспина́лись
есте, страстоте́рпцы приснопа́мятнии, /
страда́нія мно́гая претерпе́вше да́же до сме́рти
мученическа́я, / ны́не в невече́рнемъ дни Ца́рства
Бо́жия сла́дость райскую вкуша́ете, / исполне́ние
наде́жды ва́шей улучи́вше. / И намъ, Христо́ву
Воскресе́нію покланя́ющимся / и па́мять ва́шу
пра́зднующимъ, / всегда́ сию́ наде́жду подава́йте.

И ны́не, Богоро́дичен: Творе́ц и Изба́витель:

Тропа́рь, гласъ 5:

Преподо́бнии новомученицы Вениамине и
Никифоре, / до́брымъ по́двигомъ во оби́тели
Соловѣ́цтей просия́вше, / наста́вницы бра́тии в
завете́хъ ино́ческихъ яви́лись есте / и, от
безбо́жникъ бе́ды и изгна́ние претерпевше, / в
пла́мени огня́ ду́ши своя́ Влады́це Христу́

преда́ли естé,/ Емѹ́же ны́не предстоя́ще,/ мо́лите спасти́ся душа́м нашим.

На утрени

На Бог Госпо́дь: тропа́рь
преподобно́мучеником, два́жды. Сла́ва, и ны́не,
Богоро́дичен: Ра́дуйся, Две́ре Госпо́дня
непроходи́мая:

По 1-м стихоло́вии седа́лен, глас 2:

Сове́ту нечести́вых неприча́стни,/ страда́ния
о Христе́ избра́ли естé, Вениа́мине и Ники́форе,/ вмени́вше сия в ра́дость себé и во спасе́ние./ Темже, сме́ртию мучени́ческою жизнь ве́чную
обрéтше,/ мзду досто́йну от Го́спода восприя́ли
естé/ и преподобно́мученики во святы́х Его́
нареклись есте.

Сла́ва, и ны́не, Богоро́дичен, глас то́йже:

Предста́тельство неусы́пное и́мамы Тя,
Пресвята́я Влады́чице,/ мо́льбам и пла́чем
земны́м скорое Услы́шание,/ боле́знем и скорбе́м
теплое Сострада́ние,/ Ру́це, просте́ртеи в
по́мощь обременённым грехми́ и беда́ми,/ Глас,
непреста́нно моля́щий милосе́рдие Бо́жие за род
челове́ческий.

По 2-м стихоло́вии седа́лен, глас 3:

Нестерпи́мому огню́ соедини́вшееся телесе́,/
ду́шы, пла́менем любви́ Божество́нныя объа́ты,/
в ру́це Го́спода преда́ли есте́, страсоте́рпцы,/
сме́ртию страда́льческою́ от земли́ отше́дше,/
присно́ живи́ обрета́етесь во Ца́рствии
Небе́сном, / Воскресе́нием Христо́вым вше́дше в
рай.

Сла́ва, и ны́не, Богоро́дичен, глас то́йже:

Возжада́ душа́ моя́ Тебе́, Спа́се мой, / я́ко
живота́ исто́чник има́ши вои́стинну, / Свет ми́ру
Невече́рний Богоро́дицею́ возсия́вый. / То́я
всеси́льными мо́льба́ми / Небе́сных Благ
Сокро́вище отве́рзи ми, Влады́ко
Многоми́лостиве.

Велича́ние:

Велича́ем вас, / преподо́бному́ченицы
Вениа́мине и Ники́форе, / и чтим честна́я
страда́ния ва́ша, / я́же за Христа́ / претерпе́ли
есте́.

Псалом изб́ранный: Бог нам Прибе́жище и
Си́ла:

По полиеле́и седа́лен, глас 8:

А́нгелом собе́седницы́ на земли́ бы́сте,
Вениа́мине и Ники́форе досто́чуднии, /
мы́сленныма очы́ма зря́ще Небе́сная / и слухом
серде́чным вне́млюще свяще́нным глаго́лом

Госпо́дним,/ гоне́ния и му́ки претерпесте/ и
победители во бра́ни яви́стеся./ Ны́не же, в
Небе́сных Оби́телех жи́тельствующе,/ моли́теся о
нас, страда́ния ва́ша чту́щих,/ да ве́рни
повеле́нием Госпо́дним пребы́ваем,/ друг дру́га
любя́ще и мир в себѣ иму́ще.

Сла́ва, и ны́не, Богоро́дичен, глас то́йже:

Небе́сная Цари́це, Госпоже́ Блага́я,/ любве́
Божѣ́ственныя Сосу́де преиспо́лненный,/ Твои́м
всеми́лостивным заступле́нием сея́
животворя́щая любве́ сосу́ды че́стны спаса́емых
нас сотвори́,/ да ве́рни повеле́нием Госпо́дним
пребы́ваем,/ друг дру́га любя́ще, и мир в себѣ
иму́ще.

Степе́нна, 1-й антифо́н 4-го гла́са. Прокі́мен,
глас 4: Че́стна́ пред Го́сподем/ сме́рть
преподо́бных Его́. Стих: Что возда́м Го́сподеви о
всех, я́же воздаде́ ми? Вся́кое дыха́ние:
Ева́нгелие от Ма́рка, зача́ло 37.

По 50-м псалме́ стихи́ра, глас 6:

Где твоѐ, сме́рте, жа́ло?/ Где твоя́, а́де,
побе́да?/ Всю́е и́щете ве́рных Госпо́дних
пожре́ти,/ вла́сти же не и́мате,/ победи́л бо е́сть
вы Спас ду́ш на́ших Христо́с Бог,/ дарова́в
живо́т ве́чный всем земноро́дным,/ ве́рным
Ца́рство Своѐ запове́да,/ Того́ насле́дницы

Вениамѣи́н и Ники́фор/ жити́емъ пра́веднымъ и
кончи́ною му́ченическою яви́шася./ Ны́не,
па́мять техъ воспева́юще,/ нача́ло вѣчнаго жити́я
ихъ в Бо́же пра́зднуемъ/ и к по́мощи ихъ
моли́твенней вызы́ваемъ.

Кано́н, гласъ 6.

Песнь 1

*Ирмо́с: Волно́ю морско́ю/ Скры́вшаго дрѣвле/
гони́теля му́чителя,/ подъ землѣ́ю скры́ша
спасѣ́нныхъ о́троцы;/ но мы, я́ко отрокови́цы,/*
Го́сподевѣ по́имъ,/ сла́вно бо просла́вися.

Припевъ: Святѣи́и преподо́бномученицы
Вениа́мине и Ники́форе, моли́те Бога о насъ.

Сподо́би, Го́споди, просла́вити по досто́янію
препо́добномучени́ковъ Соловѣ́цкихъ, Вениа́мина и
Ники́фора,/ тѣи́ бо, си́лою Христо́вою
вооруживше́ся,/ искуше́ниемъ вра́жѣи́мъ
противоста́ша/ и со́нма му́чениковъ украше́ние
пресвѣ́лое яви́шася.

От ко́рене благо́честиваго происше́д, свя́те
Вениа́мине,/ вѣ́ре Христо́ве и любви́
Божѣ́ственной измла́да прилежа́л еси́/ и, болѣ́зни
и трудо́у благоду́шно претерпева́я,/ посре́дѣ
мате́жей мно́гихъ до конца́ сѣя сохрани́л еси́.

От святы́хъ ико́нъ Вседержите́ля гласъ
услы́шавъ, о́тче Вениа́мине,/ ми́рская́ вся
отри́нул еси́/ и ко ото́ку Соловѣ́цкому стопы́ своя́

напра́вил еси́,/ иде́же, во оби́тели святе́й
всели́вся,/ в послуша́ние Бо́гу всеце́ло себе́ вдал
еси́.

Богоро́дичен: Пу́ть ко спасе́нию откры́ла еси́
нам, Богоро́дице,/ жити́я непоро́чнаго образ
чисте́йший явля́ющи./ Темже, на Тя взира́юще и
Тебе́ моля́щися,/ из глублины́ серде́чныя
взыва́ем:/ я́звы грехов и стру́пы страсте́й наших
исцели слезами покая́ния.

Песнь 3

*Ирмо́с: Тебе́, на вода́х/ повеси́вшего всю
зе́млю неодо́ержимо,/ тварь, ви́девши на ло́бнем
ви́сима,/ у́жасом мно́гим содрага́шися,/ несть
свят,/ ра́зве Тебе́, Го́споди, взыва́ющи.*

По́двиги мно́гими подвиза́вся, Вениа́мине
всеблаже́нне,/ восходи́л еси́ от си́лы в си́лу/ и, к
мона́шескому чи́ну и са́ну священному
сопричте́н быв,/ служе́ние твоё усер́дно
соверша́л еси́/ под покровом первонача́льников
оби́тели Соловецкия,/ к ни́мже умиле́нною
душе́ю моли́твы проти́рал еси́.

Мно́гих ра́ди добродете́лей и крото́каго твоего́
ду́ха, богоблаже́нне Вениа́мине,/ нача́льник
Сийския оби́тели поста́влен был еси́, иде́же,
Божество́нным Покро́вом Пресвяты́я Тро́ицы/ и
предста́тельством преподо́бнаго Анто́ния,
первонача́льника оби́тели сея́, укрепляе́мь,/

добре потруди́лся еси́,/ путево́дя ста́до Христо́во
ко спасе́нию.

Нестроению во обители Соловецтей бывшу,/ избра́ша ты бра́тия в наста́вника духо́внаго
себе,/ ве́дуще ты благона́вием и послушанием
украшена,/ лю́бовию к Бо́гу и бли́жним
обдержима/ и му́дрость духовную стяжавша,
Вениа́мине достохвальне.

Богоро́дичен: Обрѣ́тши благода́ть у Сы́на
Твоего́ заступáти немощный род челове́ческий,
Богоро́дице,/ неусы́пно назира́еши лю́ди
христиа́нския,/ и́нокъ наипа́че
покрови́тельствуеши,/ я́ко а́нгельскому чину́
подража́телем,/ Сама́ бо вы́шши а́нгельскаго
жи́тельство нам явила еси́.

Седа́лен, глас 5:

Пла́мень о́гненный проше́дше,
преподобно́мученицы,/ ве́чнаго покоя́ сла́дость
обрели есте/ и, по́двиг во Христе́ жи́тельства
му́жественне соверши́вше,/ пра́ведною кро́вию
блаже́нство ра́йское снискали есте́./ Мо́лим вас,
святии:/ моли́тесь за ны ко Го́споду,/ по́прище
жития́ на́шего нам досто́йно прои́ти,/ стрел
вра́жиих избе́гнути/ и ве́чныя поги́бели
изба́виться.

Сла́ва, и ны́не, Богоро́дичен:

Засту́пницу Тя и́мамы пред Богом, Пречи́стая
Девѡ,/ не прѣзри рабъ Твоихъ, на предста́тельство
Твое́ наде́ющихся,/ моле́ние наше приими и
по́мощь с Небесе́ низпосли,/ да спасе́ние душъ
нашихъ обря́щимъ.

Песнь 4

Ирмо́с: На Крестѣ́ Твое́ Божѣ́ственное
исто́щание прови́дя,/ Авваку́мъ, ужа́сса,
вопя́ше:/ Ты си́льных пресе́кл еси́ держа́ву,
Бла́же,/ приоби́а́яся су́щимъ во а́де,/ я́ко
Всеси́ленъ.

Повеле́нию Госпо́дню повину́ясь,/ крестъ
насто́ятельства оби́тели Солове́цкия, ты
возрасти́вшей, со смире́ниемъ прия́л еси́,
Вениа́мине досто́блаженне./ Егда́ же си́ла
вра́жия безу́мно на Це́рковь Правосла́вную
возста,/ страда́ния, преду́готованная́ тебе́,
безро́потне восприя́л еси́.

До́брое жи́тельство попра́вше,/ не́цыи отъ
и́нокъ солове́цкихъ послуша́нию не поревно́ва́ша/
и, самохоте́ниемъ ме́сто супоста́ту въ сердце́ своемъ
да́вше,/ скорбьъ ве́лию оби́тели Солове́цтей и
богоизбра́нному Вениа́мину, насто́ятелю́ своему́
сотвори́ша,/ ду́шу свою́ за овцы́ своя́ положи́ти
хотя́щему.

Ду́хом в Го́рняя простира́ясь,/ до́льными
 скорбѣми́ обременѣ́н быва́ше, Вениа́мине
 преподо́бне,/ но мо́литвою и лю́бовию бу́рю
 мяте́жа посре́де непокоривых/ во оби́тели
 дре́вней укро́щал еси́, о́тче богому́дре,/ ста́до
 разобще́нное ино́ков во еди́но собира́я/ и Бо́га в
 Тро́ице Неразде́льнаго о поми́ловании умоля́я.

Богоро́дичен: Молим Тя, Богоро́дице Де́во,
 вра́жиими злоде́йствы обу́реваемии:/ се́тей
 злоухищре́нных свобо́ди,/ мучи́тельства
 страстей нас изба́ви,/ мир Бо́жий в ду́ши наша
 водвори́,/ терпе́нием Христо́вым снабдева́ющи.

Песнь 5

*Ирмо́с: Богоявле́ния Твоего́, Христѣ́,/ к нам
 ми́лостивно бывша́го,/ Иса́ия, Свет ви́дев
 Невече́рний,/ из но́щи у́треневав, взыва́ше:/
 воскресе́нут ме́ртвии,/ и воста́нут су́щии во
 гробе́х,/ и вси земноро́днии возра́дуются.*

Оте́честву земному́ в чине воинстем че́стно
 послужи́в, богоблаже́нне Ники́форе,/ во́инству
 Христо́ву приобщи́тися и еди́ному Бо́гу
 порабо́тати зело возжелал еси́/ и, во оби́тель
 Соловецкую́ вселився,/ досто́йно в чине́
 ино́честем и са́не иере́йстем Го́сподеви послужи́л
 еси́.

Обеты́ ино́ческия усердно́ исполня́я,/
 наста́вника ти Бо́гом да́ннаго Вениа́мина

любовію почитал еси, Никифоре прехвальне,/ темже, и стезею страсотерпческою вкупе шествовав,/ мученичества красотою с ним украсился еси.

Твёрдо Христа исповедавшие/ и напасти вражия ни во чтоже вменившие,/ пострада́ти за Того сподобилися есте, Вениамине и Никифоре,/ уничижение от беззаконных,/ изгнание из обители, во юдо́ль мучений нечестивыми обращённые,/ труды подневольныя, поношения и клевету́,/ вся претерпели есте, преподобнии.

Богородичен: Над землею Русскою Покров державный распростёрши,/ не оставила еси нас от злодеяний лстиваго погибнути, Заступнице Всеми́лостивая./ Помози́ нам и ны́не ве́ру истинную без страха исповедати/ и Правосла́вия побóрники быти.

Песнь 6

Ирмос: Ят бысть,/ но не удержан в персех китовых Иона:/ Твой бо образ нося,/ Страда́вшего и погребёнию Давшагося,/ яко от черто́га, от зверя изыде./ Приглаша́ше же кустодии:/ храня́щи суетная и ложная,/ мило́сть сию́ оставили есте.

Егда́ мрак безбожия постиже зе́млю Русскую/ и Солове́цкую обитель в темницу обрати,/ тогда́ многоско́рбная сердца́ ва́ша исполнися

болѣзней и скорбей,/ яже и до конца
мужественне понесли есте, Христо́вы
страстотерпцы,/ Промысл Божий благий во всем
разумеающе.

Не́мощь челове́ческую ве́дуще,/ все упова́ние
на Бо́га всеце́ло возложи́ли есте, преподо́бнии,/ и,
со смире́нием и крото́стию пра́ведное Его́
попуще́ние воспри́имше,/ ве́рность Влады́це и
зв́анию Вы́шнему досто́йно сохрани́ли есте./ Не
оста́вите убо нас, святии,/ па́мять вашу́ светло
почитающих.

Преподо́бным отцем поревно́вавше/ и
испове́дником ве́ры, за Христа́ страда́ния с
радо́стию прие́мшым, последова́вше,/ соприча́стницы
Солове́цким новомучеником яви́стеся/ и Це́рковь Ру́сскую подвиги́ светло
укра́сите, богому́дрии.

Богоро́дичен: Влады́чице ми́ра, Ма́ти
Всепе́тая,/ приими́ сердечную моли́тву раб
Твоих, во умиле́нии Ти прино́симую,/ и не лиши
нас милостиваго Твоего́ заступле́ния,/ но, яко
Благая, спаси́ души́ наша.

Конда́к, глас 7. Подо́бен: Разруши́л еси́:

Боже́ственными страда́нии,/ яже за Христа́
претерпе́вше,/ отцы́ всеблаже́ннии,/ я́ко зла́то в
горни́ле ду́ши своя́ во огни́ очи́стили есте/ и во

обѣтели Гѣрнія ко Владѣце своему ныне
преселилися есте./ Сего ради прилежно чтим и
ублажаем вас,/ преподобномученицы
Вениамине и Никифоре.

Икос:

Благодаію Господнею на подвиг
исповѣдническій избраннии, Вениамине и
Никифоре,/ преподобіем и правдою Богу
потрудилися есте во святѣй обѣтели
Соловецтей,/ сілою же вражіею во времена
безбожная от нея удаленнии,/ в молитве, и
терпении и твердом уповании дни жития своего
проводжали есте./ Смирению же крестному
прилежавше,/ радостне славили есте Господа,
вся воскресившаго Собою,/ и, страдальческую
смерть приемше во дни Святыя Пасхи,/
красотою мученическою украсилися есте во
Царствии Спаса нашего./ Сего ради прилежно
чтим и ублажаем вас,/ преподобномученицы
Вениамине и Никифоре.

Песнь 7

*Ирмос: Неизреченное чудо:/ в пещи
Избавивый преподобныя отроки из пламене/ во
Гробе мертв, бездыханен полагается/ во
спасение нас поющих:/ Избавителю Боже,/*
благословен еси.

Я́ко пусты́нницы, во изгна́нии пребыва́ли есте́, Вениа́мине и Ники́форе,/ труды́ и моли́твами подви́зающе́ся день и но́щь/ и славосло́вие Бо́гу в Тро́ице Единосущно́му и Неразделе́льному возсылающе:/ Избавителю́ Боже, благословен еси́.

Ме́сто по́двигов послéдних в де́брех се́верных избра́ли есте́, досточу́днии,/ иде́же, мно́го потрудивше́ся,/ житие́ земное́ мученически́ скончали́ есте́./ Ны́не Престо́лу Всевы́шняго предстоите́ и победоно́сно взываете:/ Избавителю́ Боже, благословен еси́.

Земны́я юдо́ли го́рести во мно́жестве позна́вше,/ благ неизрече́нных ны́не наслажда́етесь, Христо́ви страсоте́рпцы,/ ве́рен бо Госпо́дь, обетова́вый Ца́рствие Небесное́ любя́щим Его́ и вопи́ющим:/ Избавителю́ Боже, благословен еси́.

Богоро́дичен: За́вета ве́чнаго, Богоизбра́нная Тайни́це,/ и Ца́рства Христо́ва, Всеми́лостивая Врата́рнице!/ Го́спода и Влады́ку веко́в умоли́ о нас, немощны́х, озлобле́нием вра́жиих му́чимых,/ Ты́ бо, Благосе́рдая Ма́ти, Помо́щница те́плая/ и Хода́таица живо́та ве́чнаго христиа́ном присно́ являе́шися.

Песнь 8

Ирмос: Ужаснѣся, бояѣся, Небо,/ и да подвижатся основанія земли:/ се бо в мертвецѣх вменяется в Вышних Живѣй/ и во Гроб мал страннопріемлется./ Егѡже, ѡтроцы, благословѣте,/ священницы, воспѡйте,/ людіе, превозносите во вся вѣки.

Четыредесѣтницу святую постнически совершивше,/ Пасху Господню воспеваѣли естѣ, дѹхом пламенѣюще./ Огнь же мучительный, человеки злѡбными разжженъ, мужественне претерпевше,/ в Чертог украшенъ внидоште,/ Христа Воскрѣсша поюще и превозносяще во вся вѣки.

Память вашу празднующе, новомученицы святѣи, радуемся и ликовствуем,/ днесь бо Пасха ваша совершается от земли в Селенія Небесная восходом невозбранъ,/ вы же, яко вѣрнии служителие Христови,/ наследницы благословеннѣи Небеснаго Отчества явѣстеся,/ поюще и превозносяще Господа во вся вѣки.

Вѣрою и твѣрдѹм исповѣданіем вѣчнаго блаженства достигосте, преподѡбнии Вениамѣне и Никифоре,/ смѣртію бо страдальческою к Животу безсмертному прѣставилисѣ естѣ/ и крѡвию безвинною багрянѣцу Цѣркве Православныя украсили естѣ,/ поюще и превозносяще Господа во вся вѣки.

Троичен: Триипоста́сный Бо́же,/ Сло́вом
сотво́ривый вся́ческая и Ду́хом к живо́ту
призва́вый земна́я и небеса́ная!/ Ты челове́ческое
естество́ в подо́бие Своё созда́л еси́,/
оскверненное же грехом Кро́вию Христа́ Твоего́
паки возста́вил еси́,/ Его́же о́троцы,
благослови́те, священни́цы, воспо́йте,/ лю́дие,
превозноси́те во вся ве́ки.

Богоро́дичен: Послужи́вши Та́йне Бо́жией,
чело́веческому́ разумéнию непостижи́мей,/
сподо́би нас благода́ти Сы́на Твоего́,
Пренепоро́чная,/ немо́щь нашу́ укрепи́,/ жити́е
уны́лое милостию́ Твоею́ обогати́/ и ску́дную
моли́тву нашу́ Ду́ха Свята́го животво́рными
дыха́нии раствори́.

Песнь 9

*Ирмо́с: Не рыда́й Мене́, Ма́ти,/ зря́щи во
Гро́бе,/ Его́же во чре́ве без се́мене зачала́ еси́,
Сы́на:/ воста́ну бо и просла́влюся,/ и вознесу́ со
сла́вою непреста́нно я́ко Бог,/ ве́рою и любви́ю
Тя велича́ющая.*

Благода́рною душе́ю сла́вяще Творца́ и Бо́га,/
испове́дником и страстоте́рпцем Христо́вым
приобща́лися естé, Вениамине́ и Ники́форе./
Сердцеве́дец же Госпо́дь страда́льския́ ради
кончи́ны/ венцы́ му́ченическими украси́ вас./

Темже поминайте нас, верою и любовью вас величающих.

Якоже Вениамин, един от сынов Израилевых, юнейший бе в дому отца своего,/ тако и ты, Вениамине преподобномучениче, последний начальник в Соловецтей обители был еси./ И, якоже Вениамин, священноначальник Петроградский,/ ты Именем Христовым злодейства вражия препобедил еси./ Темже поминай нас, верою и любовью ты величающих.

Чашу страданий мужественне испивше,/ венцы неувядаемыми украсилися есте во Царствии Небеснем, досточтимии Вениамине и Никифоре./ Темже молитесь о обители вашей Соловецтей,/ да мир и любовь Господня во веки с нею пребывает,/ и нас поминайте, верою и любовью вас величающих.

Богородичен: Царства Божия бисер драгоценен/ да возсияет в душах наших Твоими мольбами,/ Пречистая Дево, Начальника жизни вечныя Мати./ Помози нам, Благая,/ да, терпением души стяжавше,/ воскресения светлую радость невозвратно Тобою обрящем.

Светилен, глас 3:

Светом Христовым просвещаемы,/ мрак беззакония попрали есте, преподобнии,/ и исповеданием Трисолнечнаго Света тьму адову

посрами́ли есте́,/ муче́ния же от сыно́в поги́бели
 прие́мше,/ безпеча́льное жи́тельство
 насле́довали есте́./ Темже, све́лости святы́х
 прича́стницы яви́вшеся,/ ми́ру просвеще́ние
 испроси́те/ и ду́шам на́шим велию́ милость.

Сла́ва, и ны́не, Богоро́дичен:

Све́т Живота́ ве́чнаго возсия́ нам Тобо́ю,
 Благода́тная Мари́е,/ плоти́ю бо роди́ла еси́
 Жизнода́вца Бо́га,/ сме́рть попра́вшаго, мир
 Собо́ю обновив́шаго/ и всем верным
 Воскресе́ние да́рующего.

На хвали́тех стихи́ры, глас 7:

Ре́вностию по Бо́зе распа́яеми/ и жа́лостию о
 до́ме Госпо́дни снеда́еми,/ святы́ни оби́тели
 ва́шея от расхище́ния/ и поруга́ния нечестивых
 сохра́няли есте́,/ преще́ний же беззако́нныя
 власти не устраши́вшеся,/ до конца́ страдания
 претерпесте/ и спасе́ние ду́шам обретосте́,/
 преподо́бномученицы преславнии./ Ны́не сия́ете
 во сла́ве Госпо́дни.

Бре́мя поруга́ния и уничиже́ния оби́тели
 своея́ понёсше/ и заклание, яко́ агнцы
 незлобиви́и, безропотне восприе́мше,/ ми́ру
 безу́мному укорение́ бы́ли есте/ и, анге́лом по
 му́ченичестей кончи́не ва́шей совокупив́шеся,/
 в сла́ву Христо́ву добропобедне возшли есте́,/
 страда́льцы преподо́бнии Вениа́мине и

Никифоре,/ мо́лите Влады́ку Христа́ Бо́га/
спастися душам нашим.

По́двиг преподо́бных отцев подьѣмше,/
богоблаженнии Вениа́мине и Ники́форе,/ о́браз
и́ноческаго житія́ благоче́стно показали есте,/
мно́жество же лишѣ́ний и гонѣ́ния
претерпѣ́вше,/ страстоте́рпцем Христовым
уподо́билися есте/ и, му́чеников мзду
восприѣмше,/ я́ко звѣзды светоза́рныя в
Ца́рствии Небеснем возсия́ли есте́./ Мы же,
па́мять вашу ныне праздную́ще,/ усердне молим
спастися душам нашим.

Приидите, мучениколю́бцы,/ возвеличим
истинных преподобномучеников Вениамина и
Никифора,/ иже Христа́ ради, скорби и
гонения,/ поно́шения и уничи́жения
претерпѣ́вше,/ лю́тую смерть от безбожных
прия́ли есте́./ Сего ради с лики преподобных и
новомучеников Соловецких/ Престо́лу Божию
предстоя́т/ и моля́тся о душах наших.

Сла́ва, глас 1:

Егда́ во все́свѣтлыя дни Воскресе́ния
Христова/ Бо́гу побѣ́дную песнь возноси́ли есте́,
Вениа́мине и Ники́форе,/ умерщв́ление сме́рти
праздную́ще/ и утвер́ждение жи́зни
торжествую́ще,/ кончи́не му́ченичестей
приложи́лися есте/ и, нетле́нию Небе́сному
приобщив́шеся,/ ра́я отве́рстыми враты́ в

ра́дость соверше́нную востекли есте,/ Па́сху
вече́нную славя́ще.

И ны́не, Богоро́дичен, глас то́йже:

Огнь Бо́жества во утробе неопальне
вместивши,/ Киво́т благодати свяще́нейший
явила́ся еси, Де́во Пречи́стая,/ темже пла́менем
Ду́ха Боже́ственного возжига́еши се́рдца
ве́рных/ и ве́чнующему вражию пла́мени сих
неприкоснове́нных твори́ши./ Возсия́й,
Богома́ти, и в нас любви́ Бо́жия немерца́ющий
свет,/ от борю́щих враг огражда́ющи,/ и
огнеды́шация про́пасти а́довы изба́ви ду́шы
на́ша.

И а́ще по́ст: на стихо́вне Сла́ва, глас 6:

Распе́ншемуся за ны Христу́ Бо́гу,/ сме́рть
попра́вшему и ад плени́вшему,/ сораспина́лися
есте́, страстоте́рпцы приснопа́мятнии,/
страда́ния мно́гая претерпе́вшие да́же до сме́рти
мучени́ческой,/ ны́не в невече́рном дни Ца́рства
Бо́жия сла́дость райскую вкуша́ете,/ исполне́ние
наде́жды ва́шей улучи́вшие./ И нам, Христо́ву
Воскресе́нию покланя́ющимся/ и па́мь ва́шу
пра́зднующим,/ всегда́ сию́ наде́жду подава́йте.
И ны́не, Богоро́дичен от седми́чных, глас то́йже.

А́ще ли в сре́ду или́ пято́к, Крестобогоро́дичен:

Возведи́ се́рдца на́ша, Де́во,/ к
па́мьтствованию Страсте́й спаси́тельных Христа́

Бо́га/ и Твои́х Богома́терних страда́ний,/ я́же
 претерпе́ла еси́, ви́дящи Сы́на Твоего́
 уничи́жена/ и пригво́ждена ко дре́ву Креста́,/
 и́мже смерть упраздни́ся и мир спасе́ся./ Того́
 у́бо Живоно́сною си́лою и Твои́ми всеси́льными
 моли́твами/ помози и нам от сетей вра́жиих
 изба́виться/ и милосе́рдием Бо́жиим спастися.

В то́йже день на вече́рни, на Го́споди, воззва́х:
 стихи́ры, глас 5:

Прииди́те, христолю́бви́и лю́дие,/ восхва́лим
 ревни́телей и защи́тителей до́блественных
 обители Соловецкия,/ Вениа́мина, нача́льника
 ея́ послéдняго/ вкупе и Ники́фора, его́
 сподви́жника,/ ти́и бо ве́лию скорбь разорения
 обители прия́ша,/ во времена́ же гонений на
 Церковь Русскую/ сонму новомучеников
 Солове́цких сопричтени бы́ша./ Ны́не же
 предстоя́т Престо́лу Госпо́дню/ и мо́лятся о
 спасении душ на́ших.

Крест страданий дан бысть ти свы́ше,
 богоизбра́нне Вениа́мине,/ еже оби́тель
 Солове́цкую от беззако́ний и буйства безбо́жных
 храни́ти,/ ты же, преподо́бне, заступя́я
 вве́ренную ти святы́ню,/ тверд и непрекло́нен
 явился еси́/ и, всячески утесняе́мь и изгоняе́мь
 от враг быв,/ все упова́ние на Го́спода возлага́л
 еси́,/ оби́тели Солове́цкия послéдний
 нача́льниче/ и славный страсоте́рпче.

Я́коже пла́мень зло́бный попали́ во дни
гонéний/ сла́вную оби́тель Солове́цкую,/ та́ко и
Вениа́мин многострада́льный,/ строи́тель сея́
оби́тели прехва́льный,/ вку́пе с
преподобно́мучеником Ники́фором,/ ду́ши
скорбьми́ тяжкими́ очи́стивше,/ паля́щим огнём
смерть прия́ша./ Темже, венцы́ му́ченические от
Господа́ приемше,/ ны́не Престо́лу Божи́ю во
Ца́рствии Небесне́м предстоя́т/ и моля́тся о
душа́х наших.

Мно́гия ско́рби и страда́ния на земли́
претерпе́вше/ и крест му́ченический со
смирéнием и любóвию в жити́и понéсше,/ ны́не
на Небéси ра́дости неизреченны́я
наслажда́етесь,/ преподобно́мученицы
Вениа́мине и Ники́форе,/ и в со́нме святы́х
Го́спода воспева́ете./ Того́ мо́лите и нам
попри́ще земно́е досто́йно соверши́ти/ и
Ца́рствие Божие насле́довати.

Сла́ва, глас 8:

Во изгна́нии сущé,/ мо́литву непреста́нную
слеза́ми растворя́ли есте́/ о оби́тели Солове́цтей,
от безбо́жных разоря́емей,/ святи́и Вениа́мине и
Ники́форе,/ в нейже́ мно́гия подвиги́ и труды́
понесли́ есте́./ Во дни́ же Свята́го Воскресе́ния,/
смерть му́ченическую́ за Христа́ при́ймше,/ Того́
побе́доносне́ просла́вили есте́./ Ны́не же,
Престо́лу Божи́ю предстоя́ще,/ прославля́ете

Отца и Сына и Святаго Духа,/ Троицу
Единосущную и Нераздельную.

И ны́не, Богоро́дичен от седми́чных, глас то́йже.
А́ще ли к среде́ или к пятку́, Крестобогоро́дичен:

Иже от кровей Твоих чистых воплощенна/ и
паче мысли от Тебе, Чистая, рожденна,/ на
Древе висима посреде злодею зрящи,/ утробой
болела еси/ и, матерски рыдаючи, вопияла
еси:/ увы Мне, Чадо Мое,/ кое божественное и
неизреченное смотрение Твое,/ имже оживил
еси создание Твое?/ Воспеваю Твое
благоутробие.

На Литургии

Блаженны от канона, песнь 3-я и 6-я.
Прокі́мен, глас 4: Святы́м, и́же суть на земли́
Его/ удиви́ Госпо́дь вся хотѣ́ния Своя́ в них.
Стих: Предзрѣ́х Го́спода предо мно́ю вы́ну,/ я́ко
одесну́ю мене́ е́сть, да не подви́жуся. Апосто́л к
Ри́мляном, зача́ло 99. Аллилу́иа, глас 4: Воззва́ша
пра́веднии, и Госпо́дь услы́ша их,/ и от всех
скорбе́й их изба́ви их. Стих: Мно́ги ско́рби
пра́ведным,/ и от всех их изба́вит я Госпо́дь.
Ева́нгелие от Луки́, зача́ло 96.

**Текст службы утвержден решением
Священного Синода от 28 декабря 2018 года
(журнал № 126).**